

KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

MEGAP GRI ITRANGKO DAKANI

Reo. 4:29-5:19

GOLPO...



Mose Israelni dedrangna jakgitelaniko on-china Egyptni rajako grongna skang, ua aro uni adatang Aaron Israelni dilgiparango grongaha. Gronggrikani somoio, Mose aro Aaron an-tangtango Gitelna on-kangchina didianiko dakaha aro bilagpipa jakpongchi Isol uamango nokkol itaoniko naljokatgen ine uamangna aganaha.

Israelrang Eyptrangna antio salsni salrangna jringpipa kamko ka-e on-na nangengachim. Indiba Mose baksa chanchirimaniko dakani ja-mano, uamang snigipia salo neng-takna miksonganiko dakaha. Iani giminsa ka-onange dongggipia Pharaoh Mose aro Aaronna ja-mano aganaha: “Na-simanga uamango gatgimin kamoniko dondikata!” Re-ongkata 5:5. (Ibri kattao “neng-taka” ingipia kattana “shabath”ko iano jakkalaha. Ian “sabbathko rakkina nangani” ine miksongani ong-a.)

Ka-onanggipia raja u-iaha je ua ia jatko an-tangni sasono donna maikoba dakna nanggen, indake ua uamangni Isol aro olakkiani gimin chanchianirango jringpipa kamchi sripatna mangsongaha. Ua aganaha, “Na-simang ia manderangna itko dakna skango gita megapko on-nabeaha: uamang re-ange an-tangtanga megapko kolamchina. Aro uamangni skango dakronga gita, uamangni tik dongimin itni kaprangrangko uamango donbo; na-simang uoniko on-timintiba komiatnabe.” Re-o. 5:7, 8.

Moseni salrango gitan, Isol An-tangni manderangna dal-arango daknasienga. Ru-utgijan uamang papni nokkol itaoni jakgitel ong-atako man-gnok aro salgini Kanaanona songreangnok. Aro changsatai, Isol da-o An-tangni manderangni gisikrangko Neng-takani salni gamchataniona an-pilatna jotton ka-taiengachim.



PORAIANI

Sastroni podko poraie bangbangrango gapatbo.

1. Isolara Neng-takani Salko Israelrangnasan neng-takchina dakaiahama?

Mark 2:27 *Aro Ua uamangna aganaha, Neng-takani sal
, indiba mande neng-takani salna ong-jachim.”*

U-IE RA-ANI: Jensalo Jisu Neng-takani Salko mandena dakaha ine aganon, “mande” ingipa katta pilak “manderangko” miksonga – pilak manderangna, pilak somoina, aro pilak biapo.

2. Basako Isol Neng-takani Salko songaha?

Abachenga 2:1, 3 *Indake salgi aro a-a, aro uarangni kotokko .
Aro sal snini salo Isol An-tangni dakgimin kamko chon-aha; aro Ua sal snini
salu Ua An-tangni dakgimin kamoni neng-tahaka. Aro Isol ua sal snini salko
pattie rongtalataha; maina ua salo Isol An-tangni ong-ate dakgimin pilak
kamrangoni neng-takaha.*

U-IE RA-ANI: Neng-takani Salko Ong-atani antini matchoto donaha.

3. Antini badia sal Neng-takani Sal ong-a?

Abachenga 2:2, 3 *Aro Isol An-tangni dakgimin
kamko chon-aha, aro Ua
pattie rongtalataha.*

U-IE RA-ANI: Abachenga odhai 2 o changgittamna kingking, Ong-atani anti salsnioniko Neng-takani salko donaha ine Isol an-chingna agana. Ua uko rongtalaba “rongtalataha” jeni miksonganian “rongtale jakkalna dintangmancha dake donaha.” Isol Neng-takani Salko konta 24 somoina dakaha, maina Jisu baksa chong-motgipa ka-saanio nangrimaniko dakna somoiko nanga. Diabol, Egyptni Pharaoh gita, Isolni gimin an-chingko chanchiatjana indakpile jakchakgija ong-e rakkia. Bon-kamgipa salni manderang baditana jakchakgija ong-na nangachim uko u-ie, Isol An-tangni manderang baksa ong-na aro nambate ma-sina konta 24 somoirangko donaha. Ua anti antian nang baksa ong-na somoiko donaha. Uko grongna taribo!

4. Maikai Isol An-tangni rongtalgipa Neng-takani Salni gamchataniko mesokaha?

Reongkata 20:8-11 *Uko rongtala ine ra-bo. Uni gimin Jihova Neng-takani Salko rongtalataha.* *neng-takani salko gisik pattiaba, aro uko*

U-IE RA-ANI: Reongkata 20:8-11 ian Isolni niamni brigipa ge-etani ong-a. Neng-takani Salko An-tangni Ge-eta Mingchikkungrangoni mingsa dakatanichi, uni chu-gimik gamchataniko Ua mesokaha. Pod 10 o “Jihova nang-ni Isolna neng-takani sal” ine aganaha. Brigipa ge-etanimangmangsan “gisik ra-bo” ingipachi a-bachengaha jekon manderang gualgen ine Isol u-iaha. Isolni Ge-eta Mingchikkungko pe-aniara pap ong-a (1 Johan 3:4). Indiba Jisu An-tangni manderangko uamangni paprangoniko, ba niam pe-aoniko jokatna sichakaha (Mati 1:21).

5. Maia minggni gamchatanirangni gimin Neng-takani Salara chin ong-a ine Isol aganaha?

Reongkata 31:17 *Ian Angnimung Israelni dedrangni gisepo jringjrotna chin ong-a; maina Jihova salgi aro a-ako*

Ezekiel 20:12 *Aroba, uamangko Anga Jihovan ine uamang u-ichina ine, angni aro uamangni gisepo chin ong-china anga uamangna an-tangni neng-takani salrangko on-aba on-aha.*

U-IE RA-ANI: Neng-takani Salara Ong-atgipa aro Piokgipa ine Uni bilko mesokani, chin ong-a ine Isol agana. Parape-a 14:6-14, Isol minggittam nangchongmotgipa kattarangko on-aha jekon, “a-ao donggiparangna, aro pilak jat aro ma-chong aro ku-sik, aro mandena.” pod 6 aganprakchina aganaha. Skanggipa nama kattako pod 7 o man-aha: “Isolna kenbo, aro una rasongko on-bo; maina uni bichalni konta sokbaaha. Aro salgiko aro chirangni chimikrangko dakgipako olakkibo.” Chong-motgipa olakkianiona re-bapilchina mol-molaniara brigipa ge-etanioniko ra-aha: “Maina saldoko Jihova salgi, aro a-ako, sagalko aro uarango donggipa pilakkon dakaha, aro snigipa salo ua neng-takaha.” Reongkata 20:11.

6. Badia salko Jisu rongtale rakkiaha?

Luk 4:16 *Aro Ua An-tangko dal-atram Nazarethona re-baaha; aro , Neng-takan salo gilja noko nape poraina chadengaha.*

U-IE RA-ANI: Jisuan pilakon, Neng-takani Salko rakkianioba an-chingni dakmesokgipa ong-aha (1 Pitor 2:21), jean Uni dakbewal ong-achim. “dakbewalara” jringnan dakronggipa bewal ong-a. Kristianrang Uni re-aha gita re-na nanga (1 Johan 2:6).

LESSON 8

7. Neng-takani Salni gimin Paulni dakbewalara maiachim?

Watatarang 17:2 *Aro Paul, uni _____, uamangona napangaha, aro Sastroonikko mesoke aro agane, Neng-takani changgittamna kingking uamang baksa jegrikaha.*

Watatarang 18:4 *Aro ua gilja noko _____, jegrike Jihudi aro Greekrangna skiaha.*

U-IE RA-ANI: Ian Neng-takani Salko rakkina Pauni dakbewalba ong-a.

8. Watatarangba Gipin Jatrang baksa Neng-takani Salo grongrikrongama?

Watatarang 13:42 *Aro uamangni ong-katangmitingo ia uamangna mikkangchini _____ aganchina mol-molaha.*

U-IE RA-ANI: Changgipin tom-anio, sninggiparang Gipin Jat me-chikrang baksa Neng-takani Salo chi rikamo grongrikaha, maina ua songjinmao gilja nok dongjachim (Watatarang 16:13).

9. Jisu manderangni paprangna sichakani ja·mano Ua uamangko Neng-takani Salko rakkianiko nangnikahama?

Mati 24:20 *Aro na-simangni katanga sin·kario, ba _____ maikai ong-jagen, uni gimin bi-bo.*

U-IE RA-ANI: Jisu Jerusalemko niasatgnini gimin iano agansoahachim, jean A.D. 70 jolo ong-gen ine Ua u-iaha (bilsa 40 mangni ja-mano). Indiba Ua ku-pattianiko dakaha je Neng-takani Salo sipairang chadrapon uamangni katanga Neng-takani Salo ong-jachina. Iano namen rongtala je Jisu An-tangni siani ja-mano Neng-takani Salko rongtale rakkichina Uni manderangko nangnikaha.

10. Isolni bon-kamgipa somoini manderangba Uni snigipa Neng-takani salko rongtale rakkigen ine Sastroo skiaama?

Parape-a 12:17 *Aro ua drakon[diabol ua me-chikko[mondoli] ka-onangbeaha, aro Isolni _____, aro Jisuni sakki gnanggipa, uni dongpitiitgipa bitchrirang [bi-sarang] baksa dakgrikna re-angaha.*

Parape-a 14:12 *Ianon rongtalgiparangni, chong-motan Isolni aro Jisuko _____ rakkigiparangni, chakchika gnang.*

Parape-a 22:14 *Boljanggiona aro cholgugarangchiko songjinmaona aro man-na gita cholatangtango su-giparang kusi ong-a.*

U-IE RA-ANI: Kosako janapgimin Sastroni kattarang Isolni bon-kamgipa somoini mondolini gimin rongtale agananiko dakaha, aro katta mingantian rongtale janapaniko dakaha je Isolni bon-kamgipa somoini mondoli Uni ge-etanirangko rakkigen – jean, brigipa ge-etani, Neng-takani Salko man-gopaha.

11. Salgio pilak jokgiminrang Neng-takani Salko rakkigenma?

Isaia 66:22, 23 *“Maina angni dakgnigipa gital salgirang aro gital a-gilsak maikai Angni mikkango dongkamgen, uandakee na-simangni bitchri aro na-simangni bimung dongkamgen ine Jihova agana. Aro indake ong-gen ja gital changsaoni changsaona, aro Neng-takani Sal saoni, gipinona pilak be-en angni mikkangona olakkina re-bagen ine Jihova agana.*

U-IE RA-ANI: Pilak chasongni pioka man-giminrang Isolni Neng-takani Salko damsan salgio aro gital a-gilsako manigen ine Sastro agana.

12. An-chingni da-o man-enggipa antini snigipa salkon [Sonibar] Jisuba Neng-takani Sal dake rongtale rakkiahama?

Luk 23:54-24:1 *Ua sachisoani sal [Sukrobar], aro Neng-takani sal a-bachengbaengachim. ... Unikoa re-pilange smilgiparang aro smilgipa toko daksoaha. Aro uamang niam gita neng-takaha. Indiba antini, ... uamang ... goprmona re-angaha.*

U-IE RA-ANI: Jisu Sukrobar salo, Neng-takani Salna skang, chisolo datkapako man-aha (Mark 15:42). Jisu ge-ete dongimin Nengt-akani Salo goprano neng-takaha (Luk 23:56), aro skanggipa salo chakataha – Neng-takani Salni ja-mano (Mark 16:1-6). A-gilsak gimiko Kristianrang Easter Sundayko manikuenga. Sastro rongtalen mesokaniko daka je Neng-takani salde Sukrobar salni ja-manosa ong-a aro uan Robibar salna skang ong-a. Je calendaroba ia salko sandina altuabea. (Poraidapna on-sogipa “Maiko Dictionaryo agana” aro “Calendara dingtangahama” ingipa katta bichongrangko nibo).

13. Uni rongtalgipa salko jeba dingtangatchina Isol on-ahama?

Toe Skianirang 30:5, 6 *Isolni pilak katta rongtalatgimin ong-a; ... Na-a Uni kattarangna, maikai Ua nang-ko manenge nang-ko tol-gipa ine u-iatjawa.*

U-IE RA-ANI: Deuteronomy odhai 5 Isolni on-gipa Ge-eta Mingchikkungko talatahani gita, Ua bilaken mikrakataniko dakaha je darangba uarangna “on-dapna” ba uaragoniko “komiatna” man-ja. (Deuteronomy 4:2). Batesa, uamang Uni uamangna on-gipako tiktak dake rakkina nangenchim. Isol An-tangni Neng-takani Salko pattiaha (Reongkata 20:11), aro jensalo Ua maikoba pattiahaon, uan jringjrotna pattigimin ong-aha (1 Serikani 17:27). Isol agana, “Angni

LESSON 8

songgirikaniko anga ramram dakjawa, aro angni ku-chilrangoni ong-katgipako anga dingtang dakjawa.” Gitrang 89:34 Dilsretako man-gipa manderang ku-rachakaniko dakaha je uamang Isolni rongtalgipa Neng-takani Salko Robibarona dingtangataha. Indiba jensalo Ua Satroko an-chingko re-dilgipa ong-na on-ahaon Isol manderangni skianirangko ra-chakna man-ja.

14. Basako Neng-takani Salara a-bachenga aro matchota?

Levirangna 23:32 *salko na-simang manibo*, *na-simangni neng-takani*

Mark 1:32 *Aro attamo*, *... Uona*.

U-IE RA-ANI: Neng-takani Salara Sukrobar sal napaoni a-bachenga aro Sonibar sal napao matchotea.

15. Parape-a I:10 ni Gitelni salara badia sal ong-a?

Reongkata 20:10 *Indiba snigipa sal nang-ni Isolna neng-takani ong-a.*

Isaia 58:13 *Neng-takani saloniko angni rongtalgipa salo nang-ni ja-ako namnikako re-ekatode*.

Mark 2:28 *Uni gimin Mandeni Depante salniba nokgipa ong-a.*

U-IE RA-ANI: Niam Gitcham aro Gital kinggnion Isol Neng-takani Salko Gitelni sal ine mingaha. Ua Isolni Neng-takani Salko ga-belbele pap ka-jachina manderangko mikrakchina ge-etaniko dakaha (Isaia 58:1, 13). Uni rongtalgipa Neng-takani salara pilak manderangnan ong-a ine Isol parakataha (Isaia 56:2-7). Sastro mamungdakeba Robibar salko Gitelni sal ine janapjaha. Ian antini saldok salrangoni salsan ong-aia (Ezekiel 46:1). Ia pilakan a-bachengonin ong-aha.

16. Neng-takani salko rakkianichi maia pattianiko on-na ku-rachakaha?

Mati 11:28 *Pilak gamgipa aro bal jrimgiparang angona re-babo, anga na-simangko*.

Reongkata 33:14 *Angni re-angpagen, aro Anga nang-ko neng-takatgen.*

Ibrirangna 4:5 *Uamang angni*.

U-IE RA-ANI: Ge-eta Mingchikkung mingprakan gisikni gita orto ba miksongani donga. Mitam niamko kingkot dake manigipa Kristianrang niamni oikorkosa niatbata indiba niamni miksonganikode simsagjija daka. Jisu an-chingko minggnikon namedake rakkichina nangnika (Mati 5:21, 22, 27, 28). Sastro “neng-taka” ingipa kattako janggi jokaniko talatna jakkalronga. Ibhirangna 4:1, 4, 9, 10 o agana je jerangan gisikni gita gital dakaniona “neng-takna” dilangako man-aha aro jerangan Kristoo dongkama uamang snigipa Neng-takani salko Kristianni neng-takani chin dake rakkigen.

NANG·NI AGANCHAKANI

Jisu Neng-takani salko ong-atna aro rongtalatna An-tangni bilni chin dake on-ahaon, uko rongtale rakkianichi Uko mandera-anio pattianirangko man-na a-bachengna sikjawama?

AGANCHAKANI:

LESSON 8

PORAIDAPANI

Ia bak poraidapaniko dakna u.iatdapaniko on-a.

Dictionary maiko agana

Ka-mao on-sogiminrangna je dictionaryonikoba sandie nibo, aro maiko man-a uni gimin u-ie ra-bo: Sonibar (noun) Snigipa aro antini bon-kamgipa sal. Snigipa salni (Sonibar) snigipa sal. Robibar (noun) antini skanggipa sal. Skanggipa sal (noun) Robibar.

Calendarara Dingtangahama?

Skango changsade 1582 bilsio Calendarni October jako dingtangaha, indiba antini salrangko chananikode dingtangajaha. October 4, 1582 bilsio salchikkung tarikrangko calendaroniko watchangaha. Sukrobar, October 5, ong-na nanggenchimode Sukrobar October 15 ong-skaaha. Ka-mao on-gipa mesokani dingtanganiko nikatna nang-ko dakchakgen. Na-a ianoniko nikna man-gen je antini salrangko chananiko dingtangajaha.

OCTOBER 1582

Robi.	Som.	Mongol.	Bud.	Bristi.	Sukro.	Soni.
	1	2	3	4	15	16
17	18	19	20	21	22	23
24	25	26	27	28	29	30
31						